



Broj: 08-486/24

Datum: 09.09.2024. godine

Na osnovu člana 70. stav (3) i (6) Zakona o javnim nabavkama („Sl. glasnik BiH“, broj 39/14 i 59/22), te člana 14. Pravilnika o javnim nabavkama JU OŠ „Pazar“ Tuzla, broj: 01-49/23 od 30.01.2023. godine i preporuke Komisije za javne nabavke konstatovane u Zapisniku o pregledu i ocjeni ponuda broj: 08-485/24 od 06.09.2024. godine, direktor Javne ustanove Osnovna škola „Pazar“ Tuzla donosi sljedeću:

ODLUKU
o izboru najpovoljnijeg ponuđača
u konkurentskom zahtjevu za dostavu ponuda

Član 1.

Ugovor za nabavku radova „Rekonstrukcija ograde oko JU OŠ „Pazar“ Tuzla“ u vrijednosti od 20.993,00 KM bez uračunatog PDV-a, odnosno 24.561,81 KM sa uračunatim PDV-om dodjeljuje se ponuđaču: **“DŽINIĆ INVEST” d.o.o. Banovići**, sa registrovanim sjedištem ponuđača na adresi Patriotske lige broj 5, 75290 Banovići, IDB: 4210499480007, koji je u konkurentskom zahtjevu za dostavu ponuda dostavio prihvatljivu ponudu sa najnižom cijenom, nakon provedene e-aukcije.

Član 2.

Izabrani ponuđač dužan je u roku od 5 (pet) dana od dana prijema ove odluke dostaviti originale ili ovjerene kopije dokumenata iz člana 45. Zakona o javnim nabavkama.

Član 3.

Ugovor o nabavci radova dostavit će se na potpis izabranom ponuđaču iz člana 1. ove Odluke po proteku roka za žalbu na ovu odluku, računajući od dana kada je ponuđač obaviješten o izboru najpovoljnije ponude.

Član 4.

Ova odluka će biti objavljena na web stranici ove ustanove www.pazar.skolatk.edu.ba i to istovremeno s upućivanjem odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Javna ustanova Osnovna škola „Pazar“ Tuzla je u skladu sa članom 88. Zakona o javnim nabavkama pokrenula konkurentski zahtjev za dostavu ponuda broj: 02-394/24 od 19.08.2024. godine za prikupljanje ponuda za nabavku radova: „Rekonstrukcija ograde oko JU OŠ „Pazar“ Tuzla“. Na portalu javnih nabavki objavljeno je Obavještenje o nabavci broj: 5452-7-3-20-3-14/24 od 19.08.2024. godine.

Ukupna procijenjena vrijednost nabavke iznosila je 21.141,00 KM bez PDV-a, a kriterij za dodjelu ugovora je „najniža cijena“.

Na osnovu obavještenja o nabavci i tenderske dokumentacije izvršeno je javno otvaranje ponuda dana 30.08.2024. godine u 11:00 sati u prostorijama Javne ustanove Osnovna škola „Pazar“ Tuzla, što je konstatovano u Zapisniku o otvaranju ponuda u skladu sa Zkonom.

Komisija za nabavku, imenovana Rješenjem, broj: 08-393/24 od 16.8.2024. godine, na javnom otvaranju ponuda konstatovala da su ponude blagovremeno predala 4 (četiri) ponuđača.

Komisija je prema članu 65. Zakona pristupila pregledu i ocjeni ponuda, što je konstatovano u Zapisniku o pregledu i ocjeni ponuda broj: 08-485/24 od 06.09.2024. godine, koji je sastavni dio ove Odluke.

S obzirom na to da je Ugovorni organ u tenderskoj dokumentaciji i obavještenju o nabavci predvidio provođenje e-aukcije, u skladu sa članom 4. stav (2) Pravilnika o uslovima i načinu korištenja e-aukcije ("Službeni glasnik BiH", broj: 80/23), e-aukcija je održana dana 06.09.2024. godine sa početkom u 10:00 sati i završetkom u 10:26 sati.

Izvještaj o toku i završetku e-aukcije nalazi se u prilogu Zapisnika.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Shodno prijedlogu i preporuci Komisije za nabavke datoj u Zapisniku o pregledu i ocjeni ponuda, broj: 08-485/24 od 06.09.2024. godine, Ugovor o nabavci radova: „Rekonstrukcija ograde oko JU OŠ „Pazar“ Tuzla“ u vrijednosti od 20.993,00 KM bez uračunatog PDV-om, odnosno 24.561,81 KM sa uračunatim PDV-a, nakon uspješno provedene e-aukcije, dodjeljuje se ponuđaču „DŽINIĆ INVEST“ d.o.o. Banovići, sa registrovanim sjedištem ponuđača na adresi Patriotske lige broj 5, 75290 Banovići, IDB: 4210499480007, koji je u konkurentskom zahtjevu za dostavu ponuda podnio prihvatljivu ponudu sa najnižom cijenom.

Ponude ponuđača „STEP“ d.o.o. Tuzla, „DŽALE ISKOP“ d.o.o. Kalesija i „DINAMICO“ d.o.o. Kalesija, koji su u predmetnom postupku dostavili ponudu su također ocijenjene kao prihvatljive, međutim primjenom kriterija „najniža cijena“, odlučeno je kao u dispozitivu ove Odluke.

Shodno navedenom, ugovorni organ je prihvatio prijedlog Komisije za nabavku i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi, direktno, elektronskim putem ili preporučeno poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda, broj: 08-485/24 od 06.09.2024. godine

Dostaviti:

- Ponuđačima koji su predali ponude
- Računovodstvo
- a/a



DIREKTOR

Seid Nožinović, profesor